

«Üsanças engiadinais» a Richterswil

Exposiziun dad Elena Denoth da Zernez

DA ROMANA DUSCHLETTA / ANR

Dürant il mais settember expuona l'artista Elena Denoth da Zernez sias ouvras a Richterswil. Sper purtrets cun üsanças engiadinais consistan sias ouvras eir da bes-chas e cuntras. La paschiun da l'artista engiadinaisa *Elena Denoth* da Zernez es la pittura cun culuors d'acril sün taila. Quellas ouvras as poja ir a verer dürant il mais da settember i'l atelier-inspiration a Richterswil i'l chantun da Turich. Duos temas principals caracteriseschan sia lavur artistica: Dad üna vart es quai il muond müravglieus da la natüra e da las bes-chas e da tschella vart las üsanças engiadinaisas.

Pitturar tant habi sco eir paschiun


Elena Denoth es nada dal 1939 e cre schüda sü a Meran. Ella es gönüda da giuvna creschüda in Grischun. Cun entrar illa lai e cun fundar famiglia a Zernez es dvantada Elena Denoth plan planet ün'Engiadinaisa cun corp ed orma. «In meis temp liber n'haja cumanzà a

pitturar sco habi e sco equalisaziun da las lezchas da famiglia», disch l'artista. Ils prüms ons Pitturaiv la sün lain e pür plü tard s'ha sviluppà seis agen stil cun culuors d'acril sün taila. Eir il stil modern ed abstract fascinescha a l'artista. «La fantasia nu cugnuoscha ingüns cunfins, e perquai Pittura meis purtrets in differents stils», agiundsch'la. Ella Pittura cun culuors fich fermas fin culuors fich cleras, chi dependa adüna co ch'ella as sainta, declera l'artista. Da l'on 2005 ha Elena Denoth frequentà üna scoula in Germania per dvantar magistra d'üna tecnica da Pittura in öli. Eir las tecnicas da stampar tilla fascineschan: Sia prüma litografia ha ella creà dal 2009.

L'exposiziun cumainza ils 5 settember e düra fin ils 22 settember. Uraris d'avertüra: Marcurdi fin venderdi da las 10.00 fin a las 12.00 e da las 14.00 fin a las 18.00. La sonda es averta l'exposiziun da las 10.00 fin a las 16.00. Sonda, ils 8 settember es eir l'artista Elena Denoth preschainta da las 11.00 fin a las 17.00 ed in duengia, ils 9 settember da las 12.00 fin a las 16.00. L'exposiziun as rechatta i'l atelier-inspiration, illa Poststrasse 31 a Richterswil.



Daspö 30 ons as dedichescha Elena Denoth da Zernez paschiunadamaing a la Pittura.



Dürant il mais settember as poja visitar l'exposiziun «Üsanças engiadinais» da l'artista a Richterswil.